

書

大唐開元占經卷之九十二卷

五月雨占

雨者陰陽和而天地氣交之所為也太平之世十

日一兩雨不破塊

京房曰太平之時一歲三十六雨是謂休徵時若

之應凡雨三日以上為霖久雨謂之霪

雜占

天無雲而雨謂之天泣其占為國易政若出軍逢

之其軍必不還

河圖曰主急恚怒則無雲而雨

抱朴子曰無雲而雨是謂雨血將軍當揚兵講武以應之兩大軍中尤甚者將軍敗死

京房曰人君進無德樹無功則不雲而雨

正月一日有風雨三月穀貴一曰其年大惡微風小兩其年小惡風雨悲鳴疾作災起

正月一日有風雨米貴蚕傷風雨從西方來兵起
正月一日無風而雨歲中下曰變成禾黍小貴
正月上旬雨卯谷貴一倍中旬雨卯谷貴十倍

正月晦日風雨糴貴禾惡

二月一日風雨穀貴禾惡

二月七日八日當雨不雨季秋道中有餓死人者
九日至十五日當雨不雨兵起十七十八日當
雨不雨蛰冬不蟄十九二十日當雨不雨三月
大旱二十六至二十八日當雨不雨有逆風從

東來損物

二月晦日風雨多疾病死亡

三月一日雨井泉空二日雨澤無餘三日雨水旱

不特四日雨變易治五日雨溝瀆霧凇六日雨
壞垣墻七日雨決隄防八日雨乘舡行九日雨
難可期

三月一日風雨民疾病百虫生其日雷雨有旱

三月一日至三日當雨不雨秋有大霧道有餓死
人七日當雨不雨谷貴九日至十五日不雨兵
在外者羅十八日至二十日當雨不雨冬虫不

蟄民病

三月辰日雨百虫生未日雨百虫死

三月三日小雨蚕善大雨蚕惡

三月十六日雨桑柘賤

春甲寅乙卯日雨入地五寸谷若不貴夏大貴

春甲申巳丑日雨庚寅至癸巳日雨皆為穀大貴

春兩甲申其歲五穀大熟

春甲乙日俱不雨民不耕

四月一日風雨米貴夏惡赤地千里

四月二日三日有雨其年五穀熟四日至七日當
雨不雨虫冬出民自怨不安其處十一日至十

四日當雨不雨歲惡十八當雨不雨大旱冬温
二十一日當雨不雨兵起東北千里三十日當
雨不雨有大風傷屋

四月四日雨五穀貴五日六日雨宜旱變四日至
七日風大豆熟四月晦日及五月朔日雨大飢
其年大水變惡蝗生為害

五月一日雨若風米大貴人食草木一日牛貴
五月四日至七日當雨不雨大旱虫生十一日至
十七日當雨不雨西方千里外人疫病二十日

當雨不雨草木枯死二十三日當雨不雨乳母
多病二十六日當雨不雨大旱風至秋九月多
雨二十九三十日當雨不雨大暑熱

五月上辰日有雨蝗虫發一日虫随雨下食禾已
日雨同

五月晦日風雨米貴不則其衝
六月一日有風雨米貴

六月三日四日六日當雨不雨角虫多死七日至
二十日當雨不雨米貴二十至二十二日當雨

不雨孟冬合凍二十七日當雨不雨下田多水
人飢

六月晦日風雨來年春穀貴

夏甲乙丙丁日俱無雨人不耕甲申至己丑日雨
麥貴

夏甲申日雨米大貴

夏丙寅丁卯日雨秋谷貴一倍

夏三月辰日雨百虫生未日雨虫死

夏甲子庚辰辛巳日雨蝗虫生有雷亦然

七月一日大風雨米貴人多病疽者

一曰春來谷貴

七月七日大雨糴倍貴小雨糴大賤

七月二十二日當雨不雨有大水二十三二十四
日當雨不雨大風害物二十五日當雨不雨兵

起外國

七月晦日風雨谷貴

八月一日風雨穀貴其日陰雨宜麥布貴麻子大
貴至三日止其日晴無雲麥不實

八月一日當雨不雨有大雷風二日至五日當雨
不雨秋大霜民病八日至十五日當雨不雨多
大寒十九日當雨不雨民多妖言二十一日當
雨不雨牛貴三倍二十六日當雨不雨冬多大

雪

雷

八月九日有雨牛貴一倍

八月晦日風雨其年有水有旱

京房曰八月晦日昏而雨繒帛貴人定時雨貴人
賤賤人貴夜半雨米貴嬰兒多損鷄鳴兩兵起

一曰夜半雨兩所逮賊寇起鷄鳴兩兵事急民徙

其鄉

九月一日雨麻子貴十倍二日雨貴五倍又曰

九月一日風雨來年春旱夏水

九月一日當雨不雨霜降殺物人棄妻子若旱十
二日當雨不雨民多死二十日當雨不雨天下
有恐

九月晦日有風雨有水歲惡

十月一日有風雨年內旱來年夏多水麻子貴或

曰其歲惡

十月一日大雨米大貴小雨小貴二日雨麻子貴
五倍三日當雨不雨兵起西北方日至十日當
雨不雨江河決水逆流十三至十五日當雨不
雨多大風寒十九日當雨不雨小兒病二十五
日當雨不雨冬溫無水連年疾病

十月晦日風雨穀貴五倍人多死

十一月一日風雨人多死

十一月四日當雨不雨大旱八日至十一日當雨

不雨乳母多死十六日當雨不雨民多死亡貧
者富富者貧

十一月晦日風雨春旱谷貴五倍

京房曰十一月雨水橫流天下飢冬大雨水君

死國亡

十二月一日風雨來年春旱夏多雨谷貴

晦日風雨春旱

十二月四日至六日當雨不雨大旱九日至十三

日當雨不雨大有風雷

冬壬寅癸卯日雨春谷大貴

甲申至己丑日雨米大貴

庚寅至癸巳日風雨米賤收穀者折半

春兩甲子六十日旱夏兩甲子四十日旱秋兩甲

子四十日滂冬兩甲子二十七日寒雪

春兩甲申五穀熟

夏兩甲申五禾大美

秋兩甲申六畜死

冬兩甲申人多死

春兩乙卯夏糴貴夏兩丁卯秋糴貴秋兩辛卯冬

糴貴冬兩癸卯來春糴貴

黃帝曰春兩不欲乙卯夏兩不欲丁卯秋兩不欲

辛卯冬兩不欲癸卯此四日雨占民安否若其

日雨則疾疫起

凡四時卯日雨皆主谷價兩一卯斛百文兩二卯

斛二百文兩三卯斛三百文兩四卯斛金一斤

正五九月殺在丑二六十月殺在戌三七十一月

殺在未四八十二月殺在辰以此日雨兩所逮

賊犯之期六十日

凡壬戌癸亥日雨以乘甲子旬乃上賤人代貴者

京房曰諸寅卯日有小雨小急大雨大急

丙午日雨有圍城戊午日雨淋三日止其下大

戰乙卯日雨早有兵起東方

丁卯日雨早有兵起南方

巳卯日雨早有兵起中央

辛卯日雨早有兵起西方

癸卯日雨早有兵起北方

立春日雨傷五穀

立秋雨害五穀

天鏡曰天雨三日以上不絕陰謀興

五行志曰漢文帝

三年大雨晝夜不絕四十

五日以上其後新垣平謀反

凡雨作於四時旺相之日草木得之莫不榮茂其

死囚休廢之日雖有雨不能生物也

凡春和之世雷雨作於巳午陰生之後至夜而止

者吉若作於子丑寅卯至午而暗者為亂為兵

民亡失國

凡先風後雨為順先雨後風為逆雨止而風雷不
止雲霧不散者國亂人災

凡先雷後雨其雨必小先雨後雷者雨必大也

易候曰凡占雨以晦朔弦望雲氣四塞者皆雨東

風則當日雨

黑雲氣如牛羸者有暴雨

黑氣如馬牛不出三日有大雨

黑氣如群羊奔如飛鳥五日必雨

黑氣雲如浮舟雨

蒼黑雲如櫛綿蔽日月五日內雨

雲如兩人提鼓持桴有暴雨

四望見青白雲名曰天寒之雲雨之徵也

尚書大傳曰五嶽之雲觸石而出皆不崇朝而雨

月離畢之陰則雨離畢之陽無雨

日傍有赤雲如冠珥不有大風必有大雨

東方朔占

子日東風卯日雨

丑日東風辰日雨

寅日東風巳日雨

卯日東風午日雨

辰日東風未日雨

巳日東風申日雨

午日東風即日雨

未日東風申日雨

申日東風子日雨

酉日東風丑日雨

戌日東風寅日雨

亥日東風辰日雨

甲子日雨寅日止

乙丑日雨丁卯日止

丙寅日雨即止

丁卯日雨夕止

戊辰日雨夜半止

巳巳日雨立止

庚午日雨辛未止

辛未日雨戌寅止

壬申日雨即日止

癸酉日雨甲戌止

甲戌日雨即特止

乙亥日雨即止

丙子日雨卒止

丁丑日雨夕止

戊寅日雨即特止

己卯日雨立止

庚辰日雨即止

辛巳日雨癸未止

壬午日雨即日止

癸未日雨甲申止

甲申日雨即止

乙酉日雨丙戌止

丙戌日雨夕止

丁亥日雨即特止

戊子日雨庚寅止

己丑日雨壬辰止

庚寅日雨即特止

辛卯日雨即日止

壬辰日雨辛丑止

癸巳日雨夕止

甲午日雨即時止

乙未日雨丁酉止

丙申日雨夕止

丁酉日雨己亥止

戊戌日雨辛丑止

己亥日雨即時止

庚子日雨甲辰止

辛丑日雨壬寅止

壬寅日雨即日止

癸卯日雨即時止

甲辰日雨即止

乙巳日雨丙午止

丙午日雨即止

丁未日雨即時止

戊申日雨庚戌止

己酉日雨辛亥止

庚戌日雨即止

辛亥日雨癸丑止

壬子日雨癸丑止

癸丑日雨即時止

甲寅日雨即止

乙卯日雨丙辰止

丙辰日雨丁巳止

丁巳日雨即時止

戊午日雨即止

己未日雨即止

庚申日雨即止

辛酉日雨即止

壬戌日雨即止

癸亥日雨即時止

子日雨亥止不止寅日止

丑日雨寅日止不止至卯止

寅日雨即止不止卯日止

卯日雨即止不止巳日止

辰日雨巳日止

巳日雨未日止不止申日止

午日雨立止不止至十日陰

未日雨申日止不止戌日止

申日雨夕止見不見日夕陰

酉日雨立止不止夕陰

戌日雨立止不止夕陰

亥日雨立止不止夕陰

此言其大槩也

大唐開元占經卷之九十二卷終

大唐開元占經卷之九十三

元旦祥瑞

漢魏鮮正月朔旦八風占云風南來大旱

西南來小旱

西來有兵

西北來有胡兵

胡豆成

北方來為中為歲

東北來為上歲

一 東來大水

東南來人病歲惡

八風各與其衝對課多勝少疾勝徐自旦至飯時
為麥自食至日昃為稷自昃至晡時為黍自晡時
至下晡為菽自下晡至日沒為麻

風從北來宜客 南來為主吉 從西來宜客

從東來宜主 從西北來宜客 從東南來宜主

從西南來有謀不成 從東北來主客俱不利

若風冷熱異常或暴急昏濁又當以八卦暴風

占之

京房曰正月朔日候八風占之

風從乾來有憂主兵 從坎來有大水 從艮來

人疾疫歲內有虫蝗 從震來陽氣于歲大早有

喪 從巽來年內多風傷五穀 從離來歲旱大

熱多火災 從坤來有疾疫道上多死人 從兌

來有兵事

八節占

立春正月節其日晴明少雲歲熟陰則旱虫傷禾

豆

風從乾來暴霜殺物穀稼貴 從坎來冬大寒胡

兵內侵 從艮來五谷大熟 從震來氣洩物不

成 從巽來多風虫 從離來旱傷物 從坤來

春寒六月水人多愁土功興 從兌來早霜兵起

春分二月中其日東方有青雲歲熟晴明則萬物不成

風從乾來歲多寒金鉄倍貴 從坎來豆菽不成

民飢疾疫 從艮來夏不熟米貴一倍 從震來

五穀收成亦無盜賊 從巽來虫生四月多暴寒

從離來五月先水後旱 從坤來小水人多瘡

疾 從兌來春寒八月国有憂有兵小麥貴

立夏四月節其日南方有赤雲歲豐晴明則旱物

不成

風從乾來其年凶飢荒夏霜變不成 從坎來多

兩水魚行人道 從艮來山崩地動人有大變

從震來雷不時擊物 從巽來其年大熟 從離

來夏大旱草木禾焦 從坤來萬物不登大傷

從兌來蝗虫大作

夏至日南方有赤雲則熟晴明則旱

風從乾來寒傷萬物 從坎來寒暑不時夏月多

寒 從艮來山水暴出 從震來八月人多疾

從巽來九月風落草木 從離來五穀大熟 從

坤來六月雨水橫流 從兌來秋多雨霜

立秋七月節其日有白雲及小雨晴吉明物不成

風從乾來甚寒多雨 從坎來冬多雪多陰寒

從艮來秋氣不和 從震來秋多雨電人不和草

木再榮 從巽來內兵猝起 從離來兵成不利

多旱 從坤來五穀成熟 從兌來兵起將行

秋分日西方有白雲則吉晴明則萬物不成

風從乾來人多相掠 從坎來多寒 從艮來十

二月多陰大寒 從震來人疫再花不實 從巽

來十月多風 從離來兵動國南七百里 從坤

來土工興 從兌來五谷大熟

立冬十月節其日晴明小寒人君吉天下喜

風從乾來君令行天下安 從坎來冬雪殺走獸

從艮來地氣洩人多病 從震來人不安居多

寒 從巽來冬溫和明年夏旱人去其鄉 從離

來明年五月大疫 從坤來大水溢魚鹽倍多

從兌來妖言為幻兵在山澤

冬至日有陰雲雪寒明年大豐其日晴明則萬物

不成

風從乾來強國有憂多寒 從坎來歲美人安

從艮來正月多陰 從震來雷不發大雨作 從

巽來百虫害物 從離來冬溫暖乳母多死水旱

不時人多疫疠 從坤來虫傷苗禾多水 從兌

來明年秋多雨水兵起大人愁

八逆風占

立夏巽卦王風從乾方來為一逆小凶

立春艮卦王風從坤方來為二逆兵起

立秋坤卦王風從艮方來為三逆五穀無實

立冬乾卦王風從巽方來為四逆人去其鄉

秋分兌卦王風從震方來為五逆帶刃入市

冬至坎卦王風從離方來為六逆人民潰散

夏至離卦王風從坎方來為七逆臣子為亂

春分震卦王風從兌方來為八逆殿上有刺客

以上八風若逆之則有凶變其風若帶刑煞寒

慘日色白濁皆有大凶之兆

七十二候當候不候

正月

是月也東風解凍 蟄虫始振 魚陟負冰 獮

祭魚 候鴈北 草木萌動

孟春行夏令則風雨不時草木早槁國乃有恐行
秋令則民大疫疾病欬風暴雨數至藜莠蓬蒿並
興行冬令則水潦為霜雪大擘首種不入

二月

是月也桃始華 倉庚鳴 鷹化為鳩 玄鳥至

雷乃發聲 始電

仲春行秋令則其國大水寒氣總至寇戎來征行
冬令則陽氣不勝變乃不熟民多相掠行夏令則
國乃大旱烟氣早來虫螟為害

三月

是月也桐始華 田鼠化為鴽 虹始見 萍始
生 鳴鳩拂其羽 戴勝降于桑

季春行冬令則寒氣特發草木皆蕭國有大恐行
夏令則民多疾疫時雨不降山陵不收行秋令則
天多沉陰淫雨早降兵卒並起

四月

是月也螻蟴鳴 蚯蚓出 王瓜生 苦菜秀

靡草死 麥秋至

孟夏行秋令則苦雨數來五穀不滋四鄙入保行
冬令則草木早枯後乃大水敗其城郭行春令則
虫蝗為敗暴風來括秀草不實

五月

是月也螳螂生 鷓始鳴 反舌無聲 鹿角解

蜩始鳴 半夏生

仲夏行冬令則雹霰傷穀道路不通暴兵來至行
春令則五穀晚熟百勝特起其國乃飢行秋令則
草木零落果實早成民殃於疫

六月

是月也溫風至 蟋蟀居壁 鷹始擊 腐草為

螢 土潤溽暑 大雨時行

季夏行春令則穀實鮮落國多風致民乃遷移行
秋令則丘濕水潦禾稼不熟乃多女灾行冬令則
寒氣不時鷹隼早驚四鄙入保

七月

是月也涼風至 白露降 寒蟬鳴 鷹乃祭鳥

天地始肅 禾乃登

孟秋行冬令則陰氣大勝介虫敗穀戎兵乃來行
春令則其國乃旱陽氣復還五谷不實行夏令則
多火災寒熱不節民多瘡疫

八月

是月也鴻雁來 玄鳥歸 群鳥養羞 雷始收

聲 蟄虫壞戶 水始涸

仲秋行春令則秋下降雨草木生榮國有大恐行
夏令則其國旱蟄虫不藏五穀復生行冬令則風
災數起收雷先行草木早死

九月

是月也鴻雁來賓 雀入大水為蛤 菊有黃華

豺乃祭獸 草木黃落 蟄虫咸俯

季秋行夏令則其國大水冬藏殃敗民多飢疢行
冬令則國多盜賊邊境不寧土地分裂行春令則
暖風來至民氣解惰師旅必興

十月

是月也水始冰

地始凍

雉入大水為蜃

虹

藏不見

天氣上升地氣下降

閉塞而成冬

孟冬行春令則凍閉不密地氣發洩民多流亡行

夏令則國多暴風方冬不寒蟄虫復出行秋令則

雪霜不時小兵時起土地侵削

十一月

是月也鶡鴠不鳴

虎始交

荔挺出

蚯蚓結

麋角解

水泉動

仲冬行夏令則其國乃旱氣霧冥冥雷乃發聲行

秋令則時雨汁瓜瓠不成國有大兵行春令則虫

螟為敗水泉咸竭民多疾疫

十二月

是月也雁北鄉

鵲始巢

雉雊

鷄乳

征鳥

厲疾 水澤腹堅

季冬行秋令則白露早降介虫為妖四鄙入保行

春令則胎夭多傷國多固疾命之日逆行夏令則

水潦敗國時雪不降冰凍消釋

大唐開元占經卷之九十三終

大唐開元占經卷之九十四

雲氣

帝王氣

天子之氣曰內赤外黃四方鬱鬱葱葱所發之處
當有王者若天子欲有遊徃其地亦先發此氣遠
近數里如法計之吉凶以日辰生剋決期以支干
數法

天子氣如城門隱隱在氣霧中又多在晨昏見
天子氣如千石倉在氣霧中

天子氣五色如山鎮

天子氣如高樓在霧中

氣象青衣人垂手在日西天子之氣也

敵上之氣如龍馬雜色鬱鬱衝天者帝王之氣不

可擊也若在吾軍必得天助

氣如龜鳳五色隨王時發者天子之氣也

范增曰吾使人望沛公其氣衝天五色相糝皆為

龍虎此非人臣氣也

五帝氣

洛書曰蒼帝起青雲扶日赤帝起赤雲扶日黃帝

起黃雲扶日白帝起白雲扶日黑帝起黑雲扶日

蒼帝氣如人向日拳手而俛首一手在後

赤帝氣如象火光如復英狀立在日下

黃帝氣如馬在日之下

白帝氣如虎在日之下

黑帝氣如船在日之下

青紫氣自地屬天其地有貴女

凡帝之王氣常以四時王相時日相生之日其國

大昌

賢人氣

賢人之氣四方常有
大雲五色具者其下有賢人
隱也

青雲潤澤蔽日在日西北為舉賢良

宋之韓琦登第方唱名日下有五色雲見

將軍氣

將軍之氣如龍如虎在殺氣中
兩軍相當若發軍上則其將
猛銳欲動也吉凶以日辰決之
若無軍

在外亦當有暴兵起

城營上氣如火烟或如山林竹木
或白色而有赤

氣繞之或紫黑如門樓或上黑下赤
如旌旗或如

張弓弩之狀或如塵埃本大而高首
銳而卑或如

圍倉正白見日益明或白如粉沸
或如夜有火光

明耀照人此皆猛將之氣也

軍上氣黃白而轉澤者將有盛得
不可擊之

軍上氣發漸漸如雲變作山形者
將有深謀不可

擊之若軍連戰大勝

軍上氣上黑下赤氣在前者將精悍不可當
軍上氣如交蛇向人此猛將之氣也可不當若在
吾軍戰必大勝

赤氣上與天連軍中必有良將

軍上氣青白而高者將勇大戰前白後青而高者
將弱而士勇前大後小將怯不明

軍上氣青而疎散者其將怯弱可擊之也

勝兵氣

勝兵氣上與天連或如火光或如山隄上有林木

或如埃塵粉沸其色黃白或如旂旆無風而颺揮
勢指敵或白氣粉沸如棲椽以赤氣或如人持斧
向敵或如蛇舉頭向敵或如塵土前卑後高或如
牛馬頭低尾昂或如旌旗如鋒刃向人或有人如
牽牛或如乳虎或如足帛或如覆舟或氣似堤復
前後皆白此皆雄兵猛士之氣不可擊若在我軍
上急戰大勝

軍上氣黃白潤澤重厚者勝

軍上發黃氣將士精勇不可擊若在吾軍可戰

軍營上有赤黃氣上連于天者不可擊

軍上有五色氣上與天連此天應之軍不可擊

軍上氣上小下大其軍士日增益不可擊

軍上氣遙望如閉鷄赤白相隨在雲中得天助不

可擊

軍上氣上銳其色黃白圓而澤者其將猛勇士卒

強健不可攻擊及戰

軍營上雲如日月而赤氣繞之似日月暈狀有光

者所見之城邑不可攻之

軍上雲氣如伏虎居上或如華蓋或如杵形向外

或如赤馬或如山岳皆不可攻敵

軍上有氣或雲如申天至而及我軍常有此而不

變者不可攻擊

軍上常有氣者難攻或有雲狀如鳥飛去者其國

戰勝兩軍相當敵上有氣如飛鳥徘徊或來而高

者兵精難擊

夜視被軍上有黑氣出上有赤氣臨我軍上彼強

我弱弱能破強小能擊大大戰大勝小戰小勝

望四方有赤雲如鳥在黑氣中或如黑人在赤氣中或如赤杵在烏氣中或如人十十五五有行列或如旌旗之狀在烏氣中有赤雲氣在前者其兵精銳不可當

雲氣如三匹帛前橫後大在軍上者戰勝

敗兵氣

敗兵氣因廢枯散如馬肝色或如死灰或如偃魚或如偃蓋或乍見乍不見乍聚乍散如霧始起或如群羊或如群猪在氣霧中此皆衰敗之氣也

軍上氣如死蛇如擊牛如雙蛇垂頭如蜚鳥四散如决堤垣如壞屋如人無頭如人相指如驚鹿相逐如兩鷄相向或如人頭如揚灰如捲席如懸如匹布亂攘如人相隨或如粉如塵勃勃或如火烟或五色雜亂東西南北不定或如群鳥亂飛或紛紛如轉蓬或如敗船或如卧人無手足或如復車亂不起皆敗軍之氣擊之必克

軍上氣上大下小者士卒日減

軍營上下有死氣發者其軍必敗十日無氣而忽

有赤白氣乍出即滅者外聲欲戰而實欲退散
黑雲氣如壞山墮軍上名曰營頭之氣其軍兵必
敗散

軍上氣如火光夜照人者軍士散亂

軍上氣出而半絕者欲敗漸盡者走一絕一敗再
絕再敗三絕三敗在東發白氣者災深

軍上氣如雙蛇守日急往擊之大勝勿疑

軍上有赤氣炎降于天士卒眾亂將死

赤氣如火光從天流下入軍下軍亂將死之兆

軍上之氣蒼蒼須臾四散擊之必勝若在我軍切
宜嚴備固守

軍上氣前高後卑者必敗

軍上有黑氣如牛形或如馬形從氣霧中漸漸入
軍營中名曰天狗食血其軍敗散

軍上氣蒼黑亂者士卒飢

兩軍相當十里之內三里之外望彼軍上氣高而
前後白青散者敗氣也急擊之

雲氣如人頭臨軍上戰大敗流血滿谷

九德堂
雲如鷄如兔臨營上者軍敗走

雲氣蓋道蔽濛晝晦者飲不暇食炊不暇熟宜急去之不然必敗

軍上氣黑而卑如樓閣之狀軍營不移必敗

軍上氣先青而漸變黑者其將欲死

散軍之氣如燔草生之烟前雖銳而後必退得便擊之者勝

黑氣臨營或聚或散如鳥將宿者必有喪懼心怒不定終欲遁逃逼之大勝若我軍得之宜善撫士

卒

有雲如鳥其出如蚤其因戰不勝敵上有雲氣如丹蛇者擊之勝

有雲氣如尾在氣霧中臨軍上者中人與外人通軍行有白氣如緒來臨者軍有大驚宜慎之

日暈有氣如死蛇屬暈者將死兩軍相當不利先鋒擊敗

日暈傍有赤雲如懸鍾其下將死

日月暈有背氣所臨者敗

軍上有白虹及曲虹者敗

白虹及蜺入營者敗

日暈氣薄惡及後至先去其下軍敗

日暈有四缺在外軍悉敗散

凡日月暈與氣以先有者為發先去者為敗

軍上日傍有虹蜺不可逆之若得其逆宜徙去之

降氣如人十十五五皆低頭叉手或如人叉手相

向或氣如黑山以黃為緣者皆降伏之氣也

白氣如鳥趨入屯營連絡不絕而須臾下者當有

他國來降

暴兵氣

氣白如瓜蔓連結部隊相逐須臾罷而復出或至

八九而來不斷者有急賊卒至急宜防之

白氣如仙人衣千萬連結部隊相逐罷而復興如

是者當有千里兵來宜備之

黑氣從彼來之我軍者欲襲我也敵人吉宜備不

宜戰敵還從而擊之必得小勝天色蒼芒而有此

氣依支干日數內無風雨則所發之方日克時則

凶時克日則自消散此氣所發之方當有使告急
一人來則氣一條依數計之若散滿一方則有衆
來依日支干數內有風雨則伏

氣如人持刀盾或有雲如坐人赤色所臨城邑有
倖兵至驚怖殞吏去

赤氣如人持節兵未未息

雲如方虹或如赤虹其下有暴兵

雲氣如旌旗其下有暴兵起

雲氣如虎躍如人行色白而悴者暴兵起

雲如人行止而不崩有暴兵

候敵氣上有雲下亦有雲者兵必至

白虹所出必有暴兵流血

赤雲如火所向兵至

雲氣如匹布着天經丑未者天下多兵赤者尤甚
有雲如胡人列陣天下兵起

白氣廣五六丈東西竟天天下兵起

有雲如豹四五枚相聚兵起

四方精明無雲獨有赤雲赫然者所見之地兵起

四望無雲獨有黑雲極天名曰天

講謀

天下兵起雲

半天則兵半起三日內有雨則灾解

壬子日候四方無雲獨有雲如旌旗其下兵起若偏四方則天下盡有兵

雲氣一道上白下黃或白色如疋布長數丈或上黃下白如旂之狀長二三丈或長氣絕赤色而委曲一道如布帛皆謂之蚩尤旗見則兵大起

風雨氣

風雨氣如魚龍行其色蒼潤或黃氣蔽日昏慘或如積土或如累盆黃色潤厚朝東夕西壓日或掩之皆風雨之氣也

朝視日上有黑雲氣如霧壓日日光旁射其色慘淡黃白者其日有風雨晚日欲入有之則其夜有風者
雲氣如亂攘大風將至視所從來避之雲甚厚而潤大雨必至

四始之日有黑雲氣如陣厚重而潤者多雨日始出有暈雲氣如車蓋在日上者其日有雨

日上下有黑雲氣如蛟龍者必有風雨

雲氣如黑蛇衝日其下有大雨水

月初生色黃者多晴色青多雨色潤白者大雨

蒼白氣入北斗多大風

黃雲氣蔽北斗明日有雨

白氣掩北斗不過三日有雨

青雲氣掩北斗五日內有雨

天無雲而北斗上下獨有雲五日大雨

日入後有白光如氣自地至天直入北斗所歷星

皆失色其夜必有大風

太白氣出長數丈多風雨所指處兵大起

辰星出氣長一丈有大雨水

九土異氣

海旁蜃氣象樓臺

曠野氣成宮闕

自華以南氣上黑下赤

嵩高三河氣正赤

恒山之北氣青

渤海之間氣正黑

江淮之間氣皆白

東海氣如簣簦

河水氣如引布

江漢氣勁如杼

濟水氣如黑氈

渭水氣如狼白尾

淮南氣如白羊一曰如帛

少室氣如白兔青尾

恒山氣如黑牛青尾

東夷氣如樹

西夷氣如屋室

南夷氣如臺閣或如舟舡旛旗

北夷氣如群軍如穹廬

韓雲如布

周雲如車輪

秦雲如人行

衛雲如犬

魏雲如鼠

齊雲如絳衣

越雲如龍

蜀雲如困

宋雲如車

吳雲如日

當其地而見者不占

大唐開元占經卷之九十四終

大唐開元占經卷之九十五

雲氣干犯二十八宿

角宿

雲氣如刀劍出兩角間有陰謀事天子無出殿庭
期不出三十日

青氣入角天子有疾出之禍除

赤氣入左角兵起入右角困兵驚戰不利

赤氣入角而波揚者有火災如行者惜奔命

赤氣從兩角過入亢有過兵

赤氣從北斗直過兩角間回有過兵

白氣出入兩角戰不勝

白氣從西角過入亢者有過客

蒼雲氣入左角有兵兵敗出右角兵在外者戰有

憂將兵不利

蒼白雲氣出入兩角兵有大敗

黑雲氣出入兩角用兵偏將敗有水災

黑氣從兩角過入亢有過喪

黃氣入兩角間天子有祠祝事

黃白氣潤澤入角王者得地

黃雲亢宿

雲氣青色入亢人疫出氏入亢人君有疾

黑雲氣入亢有水災人多瘡疾

一曰有使出外言水事

黑氣出氏入亢人君有疾若死

赤雲氣入亢廊廟間有陳兵宜防之

赤雲氣或如揚波大人憂之又大瘟疫

黃白雲氣入亢有治事

白雲氣入亢有土工興人有疾病

氐宿

黃白雲氣入氐有土工黑色大水赤有內兵蒼白色疫疹大行白色天下疫久不散宮中有女喪
黑色入氐房間天子遣使于諸侯有口令

房宿

雲氣入房赤黃潤澤名寶入出房國寶有出者
黃雲氣入房外國未貢者
黑雲氣出房宮中內亂大兵起

赤雲狀如人入房后妃有娠不然姦事起

赤雲氣狀如揚波入房宮中火災兵起廟庭

紅氣入房諸侯王多死期三年

蒼白雲氣入房將相憂

白氣如大道入房委蛇入漢國有大水兵起宮中
人民流亡饑死路傍屍骸不收不過二年帝王崩
婦女傭客不還

雲氣如帶經兩角間入房閉門閉再經之兵起三
經之天下不通

心宿

雲氣青色出心天子使人于諸侯赤色有兵將出
赤黃氣出心王就國

黑雲氣入心天子憂入左星庶子憂入右星太子
憂之

黑氣入心右星庶子受賜祿

白氣入心天子左右臣作亂兵起入左星太子受
賜

赤氣入心有立王者

赤氣出心南行天子左右有亡去者

赤雲氣鋒銳正刺心天子憂

蒼白氣入心中星天子憂

黃雲氣入心天子有子孫之喜入右星太子喜

黃白雲氣潤澤如疋布正抵心不日外國有來歸
者

雲氣狀如彗帚色赤如血入心天子遇賊出心天
子有殺伐於千里之外

尾宿

青雲氣入尾故臣有來歸者出尾臣有死者

白氣入尾故臣有謀來歸而受誅者

黑氣入尾旧臣有來歸骸骨者

赤黃氣入尾有使臣來言兵事

黑氣出尾人民流亡

青氣出尾臣作乱

赤黃氣出尾君遣使于諸侯言兵事

箕宿

黃白雲氣入箕蠻夷有使來

黃雲氣入箕有獻美女者變而色黑道死不至色

蒼道上為風所復

蒼白雲氣入箕其国有灾若出之灾除

黃白雲氣出箕天子使者出

一曰宮中美人有出者

赤雲氣出箕兵出入之兵入

斗宿

蒼白雲氣入南斗多大風

赤雲氣入斗兵起如揚波大旱多火灾

黃白雲氣入斗諸侯來見天子不則有使者來貢
黑氣入斗宗廟中有大憂

赤氣入斗外兵入出斗內兵出

黃白氣出斗天子使人于諸侯

赤氣入北斗還向南斗不出一年其下有流血將
死營空客勝主人

牛宿

蒼白雲氣入牛牛多死出之則災消

蒼白雲氣橫貫牛宿有兵喪除旧布新之象

黃白雲氣入牛牛蕃息

一曰諸侯有以四足虫入貢者

黑雲氣入牛天下牛多死

赤雲氣入牛牛馬以漕輓死者出之則兵出

赤氣如波揚入牛有兵大戰牛馬大損

白氣入牛有兵喪

虹出牽牛之度有崩城期二年

女宿

雲氣黃白色入女国有嫁娶事

蒼白雲氣入女天下女子多疾病出之則災消

赤雲氣入女婦人多產死者一日兵多死

白氣入女女子多疾病

黑氣入女天下多女子之喪

黃雲氣出入女宿天下女子多喜事

虛宿

雲氣蒼白色入虛有哭泣出之禍除

黃雲氣入虛天子以喜起廟祠祝

黃白雲氣入虛享氣也天子敬祀宗廟

赤雲氣入虛主有火災

一曰有兵在廟中出虛有兵在廟外

白氣入虛有無常之客來出虛有使出外

黑氣入虛有水災 一曰廟圮

雲氣並虹出虛天下大虛多火災

危宿

蒼白雲氣入危天子大造宮室

赤氣入危国有憂有損屋

赤雲氣入危有土功蓋屋之事大作

一曰宮中有兵憂

赤氣出危以火發屋一曰有火災

黑氣出危北鄉大水人流亡東鄉其國君死百果
不實西鄉人主多憂死喪南鄉有疾疫期不出其
年遠明年

黑氣入危自北來大水西來君死東來稻粟不實
南來有兵皆不出一年

白氣出入危其國有兵

黃雲氣出入危皆為土工興

一曰黃氣出危國有喜慶之事

白氣入危並間黑氣者皆有死喪哭泣之事

青黑之氣出入危星此有大水災

室宿

黃雲氣入室有土功事

蒼白雲氣入室大人憂之有喪

黃白雲氣潤澤入室諸侯有使來若入室天子有
使出外皆言宗廟之事

赤氣入室國有兵

赤雲氣如大道來室上下人主不可出宮有逆臣
有疾病不出三年其土大飢有軍在外則有大戰
流血暴屍大亂之兆也

赤氣如波揚入室兵入宮有亡國

黑氣入室大人有死喪

青氣入室其國憂或云出室者

黃氣光明潤澤出入室國有喜

雜氣入室人多暴死

有氣光明潤澤如日月之彩出入室中男子之祥

壁宿

蒼白雲氣入壁大人憂死喪出之禍除

赤雲氣入壁有兵

赤雲氣如波揚入室兵火并起大臣有燒死者

紅氣從西壁入之東壁兵氣也天子有赦其臣

或殺字

黑氣入壁有破國亡主 一曰有大水

青雲氣入壁有兵起

黃雲氣入壁天子裂土建侵王侯

陳卓曰烈士出

黃白雲氣入壁外國入貢

一曰天子立廟期一年

奎宿

蒼白雲氣出奎有兵入奎天下婦人多災疾

赤雲氣入奎有兵入而後出之兵出一日有疾病

赤氣入奎有偽使 一曰有無所受命而來者

赤氣出奎有詐出使者

赤氣入奎天下婦人多血疾

黃雲氣入奎中有貢珠玉珍寶者

一曰天子納后妃夫人

黃氣出奎中有出珍寶者

一曰有出宮人不則后妃有黜者

黑氣入奎有疾疫三日夜不去大人憂出之禍除

婁宿

赤青黑雲氣入婁有兵疫若出之禍除

白氣入婁人民多死

黃氣入婁王者受賜

黑氣入婁紛紛如轉蓬始至大人食中毒

一曰大水且至

赤雲氣如劍鋒入妾宗廟苑牧中兵起
青氣入妾有兵憂

胃宿

蒼白雲氣入胃國有喪米貴

蒼白之氣出胃國以喪出粟

青黑氣出胃兵起

黑氣入胃倉粟敗腐

赤雲氣出胃以兵出粟

黑氣如轉蓬出胃大人食中毒死且有大水

黃白雲氣潤澤入胃大人入國倉庫充實若出入
之有賑米之事

赤雲氣入胃以兵粟貴

昴宿

蒼白雲氣入昴人疾疫多死妖言大起出則禍除
蒼赤雲氣入昴人有病疫多訛言不則龍見
赤雲氣入昴有軍令白衣將兵

一曰天子自將民聚鼓下

赤氣出昴軍有野處者

青黑氣出昂有兵且有大水

黃白氣潤澤入昂天子有白衣會出昂白衣會罷
昂星有珥兵息

蒼白雲氣入畢

蒼白雲氣入畢歲不收則禍除

赤雲氣入畢兵起赤氣如波揚大旱有火災

黃白氣入畢其歲善出畢則授民田一曰有拜將
黃雲氣入畢天子有太子之喜兵在外者解
一曰其歲有大人生

赤氣出畢將軍兵出

黑氣入畢相亂政將死

白氣入畢后妃死出則禍除

赤氣入附耳兵起若出之將軍兵亦出

蒼白氣入附耳將軍死

黃白氣入附耳天下安無兵出附耳有拜將
黑氣入附珥將死

觜宿

蒼白雲氣入觜天子有葆旅之事出之則禍除

赤雲氣入甬兵起

赤氣如揚波入甬中兵隨之入出甬兵隨之出

黃白氣潤澤入甬有神寶入

一曰有負宝及珠玉來獻天子者

白氣入甬民食蓀旅

白氣出甬有蓀旅之事于国外

黑氣入甬大人憂之邊將有戮隨地有灾出禍免

黃雲氣出甬国兵隨之出入則国兵隨之入

參宿

蒼白雲氣入參臣下為乱若出參而環繞之天子

自將兵巡邊

蒼白雲氣入伐大將憂有斬刈之事若出伐以白

衣行斬刈之事

蒼氣入參邊境有憂

赤雲氣入參邊兵起將軍為乱誅如波揚邊城倉

庫有灾

赤氣出參中央邊境有大兵

赤氣入伐有斬刈將軍若憂之

黑氣出伐以水伐國

黑氣入參大水將軍死氣銳如鋒大人當之

黑氣出參有兵水災將軍憂

白氣入參天下用兵 一曰天子有憂謀

黃白氣入參大將受戮

黃氣出伐將軍戰勝

井宿

青雲氣出井大如井口上拂參而行入河中大水

沒城郭期二十日遠三十日

蒼白氣出井有水令入井民大疫

黑雲氣入井民大疫多死喪天下大水道上無行

車

黃白雲氣入井有客來言水澤事

赤雲氣入井大水不則疫疾亦為旱

蒼黑雲入井有喪女主惡之白氣入井大雨水

赤氣入井有兵一曰水賊起天子以水行兵

黃氣出入井天子以澤泉之利養民

常以正月朔夜候東井中或上下有雲氣潤澤則

是歲多潦

鬼宿

黑氣入鬼大人皇后皆有憂

白氣入鬼人有疾病

赤氣入鬼大早有火災

黃氣入鬼有土工興

柳宿

赤雲氣入柳有火災若出柳大旱

黃雲氣入柳期五十日有赦

一曰天子造宮室土木大興

黃氣出柳有赦 蒼白氣入柳有憂

黑氣入柳天子宫廟木腐敗

黑氣如鋒刃刺柳天子造宮殿

黃白氣出柳天子出美木作室入柳得美木

星宿

蒼白雲氣入七星大人有憂出之天子有急使

出其氣回曲而不正有亡臣

赤雲氣入七星中兵氣也若有客來必有兵隨之

赤氣如波揚或沸湯入七星中火氣也宮中有火
災四曲五曲后妃惡之

赤氣出七星天子使出亦有兵隨之出

黃氣彷彿入七星外有貢獻

黃氣出七星天子有賜于諸侯若氣而大風隨之
者有赦

黃白氣潤澤入星遠人來貢

黑氣入星賢人多死出之禍除

白氣入星国有死喪 雲如蜚鳥啄星大人憂

張宿

蒼白雲氣入張庭中觴客有憂變出之禍除

赤雲氣出入張天子用兵賜物

白氣入張大客有憂

黃氣潤澤入張天子因喜賜客

黃白氣出張天子有使賜諸侯

赤黃氣入張有憂出張天子用兵

黑氣入張徘徊而散其分有水災

黑氣入張而轉繞之或如刀劍刺之天子防客

赤雲氣如波揚入張天子宫中火災

翼宿

赤雲氣入翼有暴兵入國境出翼其國兵出隨氣所之 蒼白氣入翼太常之官憂之

黃氣潤澤入翼諸侯未貢

黃氣出翼天子使使于諸侯

黃白氣入翼外國入貢

白氣黑氣入翼正抵其星三夜不去宗廟有災大人憂兵大起

軫宿

蒼白雲氣入軫王者不可行幸宮觀出之其禍除 蒼白雲氣圍軫亡國之戒

黃白雲氣潤澤入軫諸侯入貢以車為幣出軫則天子以車賜諸侯 赤雲氣入軫兵從中起

赤雲氣如波揚入軫車庫火災兵起有大喪

赤氣出軫將出兵行

白氣入軫有大喪

黑氣入軫大人有憂

黑氣如鼠入軫中天子有墜車墮馬落水跌床之厄

黑氣四散入軫若圍繞之天下大水車不用

黃白雲

大唐開元占經卷之九十五終

大唐開元占經卷之九十六卷

雲氣犯列宿占

大角

黑氣掩大角久而不散主命者惡之

蒼白氣入大角国有大喪

黃白氣如月近大角乍明乍暗兵起

青雲一道如千尋槍竿冲大角而過天子棟梁折

進賢

蒼白氣入進賢相有黜革野逸有憂

丹德堂
白氣入進賢賢士喪 黑氣入賢士憂
黃氣入進賢賢士有恩賜

庫樓

赤氣直如千尋槍竿冲之庫樓天子自將兵兵大
動中外震驚武庫官憂天下不安

折威

蒼白氣入折威中大臣為亂兵起天子失威出之
則禍除 赤氣入折威大臣反叛天子出將兵
黃白氣入折威外国有來求和親者出折威天子

有德令

黑氣入折威天子惡之出則禍除

赤陽門

赤氣入陽門邊兵起有戰

騎官

蒼白氣入騎官將死 赤氣出騎官騎兵大出

赤氣入騎官騎士憂 黑氣入騎官軍中有疾病

從官

黃氣入從官巫醫受爵

天江

赤氣出天江將兵出野 青氣入天江大水
黃白氣入天江天子用兵出之兵罷

魚星

赤氣入魚星車騎滿野軍大動將兵憂
黃氣出魚星天子因事起兵入之兵罷

傳說 龜星

赤氣入傳說巫祝之官受戮
赤氣入龜星巫卜之官有誅

鯨星

赤黑氣入鯨星有白衣之會天下易政

九坎

赤雲氣入九坎天下大旱 黑氣入大水

河鼓

蒼白氣入河鼓將有憂軍在外則天子之軍敗將
死出之則禍除

赤氣入河鼓兵起客軍入出河鼓軍出戰不勝
黃白氣入有以衆來降者出之恃有喜
黑氣入河鼓將死 青氣入之將有憂

織女

蒼白雲氣入織女女主憂病

石氏曰人主有憂出之則禍除

赤氣入織女有以女子故而家受誅者若出之女

子多死外有兵

黑氣入織女王者為女所害一曰女子多病死

白氣入女有喪

黃白氣入天子以女幸一家出之天子外得美女

天津

蒼白氣入天津中君有水憂

赤氣入天津主大旱若出之兵起

黃氣入天津天子有德令 黑氣入之有大水

天津漢中有黑氣獨居大若席片名曰索漠不滿

三日遲不出五日大雨

黑氣狀如舡或若布疋維河間不出十日大雨

敗臼

赤氣入敗臼人主凶 黑氣入之天下人災

瓠瓜

蒼白氣入瓠瓜瓜果不實不可食出之禍已
赤氣入瓠瓜天子攻一邑殘之

黃白氣出瓠瓜人主以菓賜諸侯

黑氣入瓠瓜天子食菓致害

天壘城

赤氣掩入天壘城北夷驚有疾疫

羽林軍

蒼白氣入羽林軍兵有憂入其南出其南皆為兵
有憂入其北諸侯憂出之則禍除

赤氣出羽林兵隨之出

赤氣入羽林兵起入其東后起兵入其西太子起
兵入其北諸侯起兵

黃氣入羽林天子入軍中

黃白氣出羽林南后有所獻出其北太子有所獻
黑氣入羽林兵起大戰入其南天子忌之入其西
太子忌之入其北諸侯有憂

北落師門

蒼白氣入北落主有疾疫

赤氣入北落外有兵入若出師門兵亦出之

黃氣入北落師門中使至軍中有喜黑氣入將死

騰蛇

白雲氣冲入天蛇蛇驚為妖

赤雲氣出入騰蛇天下大旱魚虫枯死

黑雲氣出入天蛇天下大水

天廐

黃白氣入天廐馬有驚

王良

蒼白氣入王良天子憂墜車馬奉車者憂出禍除

赤氣入王良太僕奉車有誅

赤氣中駟馬內亂兵起 赤氣出車駟滿野

黃氣入王良奉車拜賜天子有喜諸侯有獻馬者

一曰有神馬見

黃氣出王良奉車受命行德令

一曰天子出車馬賜諸侯王

黑氣入王良奉車太僕死

附路

蒼白氣入附路太僕憂之出陰路禍除
赤氣入附路太僕有鉄銳之誅出之兵起
黃白氣入附路太僕拜賜出之有德令
黑氣入附路太僕死

閣道

白氣入閣道有急事在內 白氣出人主有疾病
黃氣入閣道天子有喜

天大將軍

蒼白氣入天大將軍軍人多疾疫兵將多死

赤氣出入天大將軍兵大出入則兵將皆有凶軍
在外防客兵來敗之

土司空

黃雲氣入土司空土工大作有建國徙都之事

天倉

蒼白氣入天倉歲不熟出之禍除

赤氣入天倉兵內起有火災出之以兵出粟

赤氣如波揚入之大旱火大起

黃白氣入天下大熟 蒼黑氣入天下不登熟

天廩

蒼白氣出入天廩虫大生出之則禍除

赤氣入天廩大早有火災出之天子以用兵出粟
黃白氣入歲大豐登若出之天子粟賑民

黑氣入天廩大水傷谷

大陵

蒼白氣入大陵天下多死喪

赤氣入大陵天下兵起兵死 黑氣入有大疫

積尸

黑氣入積尸天下人有大疫死者

天船

蒼白氣入天船人主有殃天子不可乘船出禍免

赤氣入天船天子戒乘舟出則水兵起

赤氣入天船不出一年有自立者

一曰不出九十日水中兵戰

黃白氣入天船天子幸船有喜有神伏若光景處

船上者

青黑入天船舟師勿行

芻蕘

亦曰天積

赤雲氣入天積積中火起出天子因火散庫耗財

黃白氣入天子有喜多出貨財出之天子用財

天苑

蒼白氣入天苑牛馬畜獸有疫疫出之則禍除

赤氣入天苑牛馬多死傷出之牛馬以兵事出

黃白氣入牛馬禽獸蕃息

黑氣入天苑牛馬之數死出之災除

五車

蒼白氣入五車兵大起人民流亡

赤氣入五車兵起民大戰出之兵車大出

天潢

蒼白黑氣入天潢有死喪憂之出則禍已

赤氣入天潢兵因起出天潢兵出戰

赤氣入之如波揚出庫共或出天子有喜有兵則兵息不

黃氣入天潢或出之人君喜兵罷

咸池

蒼白氣入咸池水重多死一曰池中魚多飛亡

赤氣出咸池大旱 黑氣入咸池大水

黃白氣入人君有喜 出則有神見

黃氣入天關 天高

黃氣入天關四方來貢玉帛

白氣出天高早霜傷稼

參旗

赤氣出參旗不出一年西戎欲來盜中國若侵地

土不出三年天下煩擾百姓多憂 青炁入同上

天園

白氣出天園兵起

玉井

青氣從參下入玉井不出三年人不飲食井

黃氣入三日不去軍在外絕水 白氣入兵起

赤黃氣潤澤入之有軍兵來降

屏星

黑氣入屏星大疫

天廁

蒼白氣入天廁天子有陰病 青炁入內兵起

黑氣入天廁天子憂 白氣入天子有暗病
赤氣入有兵雲氣出禍除

黃白氣出入天廁人君皆為有喜

南北河

蒼白氣入兩河界間兵大起道路不通若出兩河
界則禍除入北河則邊兵動人馬疾疫胡王死
赤氣出兩河間天子用兵于諸

黃白氣入兩河間隨河出天子出德令
河行有客來求和親

赤氣入南北河間天下有難道路不通

五諸侯

蒼白氣入五諸侯諸侯有黜死者

積水 積薪

蒼白氣入積水天下水災 赤氣入積薪火焚積
聚之物 一曰焚宗廟

水位 軍市

黑氣入水位大水 赤氣入水位大旱
赤氣入軍市中軍兵大驚

闕丘

赤氣入闕丘宮中火災天子不安其居

狼星

赤氣入天狼胡兵入塞民大恐憂

弧矢

赤氣入弧矢天下驚恐 一日胡人入中國

黑氣入弧矢胡國中疾疫大作

老人

白氣掩入老人王者國絕

天紀

黑氣掩入天紀禽獸大疫六畜多死

燿星 酒旗

赤氣入燿星天下烽火舉動

赤氣入酒旗天子以酒喪身

軒轅

蒼白氣入軒轅後宮有疾疫 赤氣入宮中憂火

天相

蒼白氣入天相輔相臣憂

赤氣入天相相臣有誅出之相出師

黃雲氣入天相輔相臣有喜

黑氣入天相相臣死不則有疾病

器府

赤氣掩入器府天下棄廢

大理

黃雲氣入大理刑法官有遷 巫咸日有赦

黑氣入大理決獄不平刑獄之官受誅

六甲

黃氣入六甲術士用 黃白氣入太史受爵賜

黑氣入六甲太史憂

內厨

黑氣入內厨飲食防毒

北斗

雲氣五彩入北斗天子立太子近則百日遠則一

年 青雲氣掩北斗明日有兩

青雲氣歷北斗七星從行天子出令順四時

青氣加北斗法星有大水狀若刀劍牛馬大損傷

青雲氣加伐星天下有兵國有憂

青雲氣長竟天其末有星加伐星天下有大水獄
青雲壓北斗大雨即至

赤雲氣覆北斗上兵起氣多兵氣少兵少

赤氣入北斗有災兵動宮廟防火災

赤氣出北斗魁前兵起

赤氣入北斗魁中相將有受戮者亦為兵起

赤氣入北斗環繞之或出入北斗連勾陳皆為有

大兵大戰流血主人將死者軍勝

赤氣若霧掩之北斗明日大熱殺人

赤氣加伐星或入之皆有兵二年乃止

黃雲氣出北斗魁中天子出德令

黃氣歷北斗星從行則人君有喜

黃霧氣蔽北斗明日雨

黃雲氣加正星有兵不發有土工期一年或二年

黃雲氣加法星八日君疾

黃氣加令星有死將氣再三對之有軍相至

白雲氣壓北斗不過三日有雨

白雲氣如匹練冲入北斗兵起大戰

白氣白雲入北魁中近臣有隙者出之禍除

白氣濛濛然有光自地起接連北斗大風即至

白雲氣如車轉移入北斗下有流血大將死

白雲氣入北斗正星三日不雨有大兵及白衣會

石氏曰有土工期三月若七月

白雲氣加正星有軍在外則戰無君則疾

白氣加令星人主更法令糴貴菽粟藜藿大貴價

至五倍

白雲氣加殺星有兵期一月遠一年

黑雲氣集北斗傍大如皮虎狀如禽獸不出三日

必雨不雨則胡人入塞

黑氣入北斗如烏鳥如龍蛇變化者為疾病人死

亡不宜乳婦又夷兵欲欺中國宜察讒言防奸宄

黑雲氣歷北斗七星從行則天子有憂橫行則人

民有憂 黑雲氣加正星有軍反

黑雲氣出法星間不出一年有敵不出三年有水

黑氣集伐星色黃有兵事

黑氣加殺星有暴兵六月罷

黑氣入北斗魁中貴人有獄死者

黃白雲氣入北斗有使從外來

一曰天子左右囚者蒙德令

黃白氣出北斗天子遣使于諸侯

黃白氣加法星有土工興米暴貴

黃白雲氣橫北斗上下或出入北斗皆為有喜慶

之事

青赤雲氣加北斗正星有水災

一曰將軍死軍中有冲水有移姓更名者

一曰期一月內有兵起至三年或五年而罷

青黑氣入北斗魁中貴臣死獄中出之則禍除

蒼白氣入北斗多大風

入北斗中貴人下獄 一曰大臣謀叛

青白雲氣加伐星星色赤有兵期三月四月若十

月一年

雲氣加伐星之上天下變更將相死不則有教五

穀貴期三月

丹德堂
雲氣加殺星相反大人疾牛馬魚鹽貴繒綺賤期
一百二十日

殺星色黑有赤雲氣加之有兵憂

雲氣加危星色青有憂 黑有大憂 黃色有土

工興

雲氣出應星中有移徙之民

色赤有兵 色黃增地

天晴明無雲氣而北斗上下獨有雲氣後五日內
必有大雨

天夜時而恒有雲氣覆北斗或虹蜺見于斗左主
流血強兵起

輔星

黃白雲氣集輔星相有喜

赤氣入輔星相受斧鉞之誅

蒼白氣入輔星相有憂

白氣入輔星相有黜革者

黑氣入輔星相死

天理

赤雲氣入天理兵大起相出師

相星

黃白氣入天相將相有喜 黑氣入將相憂死

勢星

黃氣入勢星中官受賜 黑氣入中官有憂

赤氣出勢星或入之中官反

三台

黃白雲氣入三台將相人君有喜民庶安

黃氣入三台相臣有喜將軍如之

赤雲氣入三台多敗傷臣有謀君相驚

黑氣入三台有憂將相死

蒼白色氣入三台民多死喪出則禍除

青黑氣入天子三公俱有憂

有蓬雲黃白色不過三尺于三台之陽布衣有黑

貴者

三台珥大臣變吏欺主

一曰三台珥臣謀逆不出三月

華蓋

黃白雲氣入華蓋天子有喜

赤黃雲氣出華蓋天下方鎮官皆有賜

白氣入華蓋天子宮中有喪

赤氣入華蓋防奸客

天棊

蒼白氣入天棊國有喪出之則禍除

蒼白氣出天棊則先驅有拜賜者

赤黑之氣入天棊大人憂之

赤氣出天棊兵大起將軍及相臣有誅死者天子

憂之

黃雲氣入天棊天子之先驅有拜賜者出之有黜

天槍

蒼白雲氣入天槍兵馬大起

赤雲氣入天槍天子憂驚 一曰失位

玄戈

蒼白氣入玄戈胡人大疫死

赤氣出玄戈胡兵大起

黑氣入玄戈邊兵起 一曰胡兵退

招搖

蒼白雲氣入天矛正中之將死

又曰相死三夜不去大人憂之出則禍除

赤氣入招搖中兵內起大將為亂

赤氣出天矛兵起大戰

黃白氣出入天矛正中有軍且罷無軍則有敵兵

者若出天矛天子以喜出師

梗河

蒼白氣入梗河將死 一曰有疾

赤氣出梗河國兵未出有大戰

黑氣出梗河兵起大戰

七公

黃白雲氣入七公人主有慶 一曰宰相有恩賜

黑氣入七公大臣有誅死 一曰有為逆伏誅

貫索

蒼白氣入貫索中天子憂亡地出則禍除

赤氣入有內亂兵起 赤氣出貫索內有兵起

黃白氣入貫索中天子有喜又曰諸侯有以地賂

天子者大臣有賜命

黃白氣出貫常天子以地與諸侯

赤白氣入獄多枉死 黑氣入大人惡之

女床

黃氣出入女床后妃有子之喜

白氣入后宮有喪 青氣入之有病疾出之同

赤氣入宮中兵起 黑氣入宮內有死者

宦者

黃氣入宦者內臣受賜 赤氣入內官誅

赤氣出宦者作奸蔽主 黑氣入宦者死

太微五帝座

蒼白氣抵帝座天子有喪事抵坐旁有反臣

蒼白氣出五帝座徑出南門者不出九十日人主

失其宮天下不安如劍指帝座者天子有兵恐

赤氣狀如帚指帝座天子有婦女兵恐若出五帝

座兵起一日有五王

赤氣出五帝座徑出南門不出九拾日天子失其

宮 赤氣出五帝座下入幸臣不出六十日近臣

有欲謀君者其氣不明不成其明為之成形天下
大乱

赤氣若蒼白氣出幸臣正中帝座近臣謀為逆其
事成

赤氣出太微中直抵帝座內乱兵起若赤氣自外
入指帝座防有外兵入

赤黃氣五帝座天子有使于諸侯

黑氣抵五帝座留止不去者大人憂

一曰君之側有奸人

黃氣出太子座上入五帝座不出六十日太子有

即位者

黃白之氣正圓如杯碗抵帝座左右之臣有喜

黃白氣潤澤狀如刀劍抵座傍天子有男喜

赤黑氣如龍如蛟蛇入帝座有白衣之會

一曰宮中有火災

即位

蒼白氣入即位中兵起 一曰中即有内乱者出
則禍除

赤氣入即位中兵起出即位多用兵遠出行

黃白氣潤澤入即位中郎官受賜

黑氣入中郎位中郎官以罪多死者

靈臺

青黑氣入靈臺有大風兩期三日遠七日中

黃白氣入靈臺太史有喜

赤白氣入靈台太史有憂

少微

蒼白氣入少微賢士憂 一日大臣黜

赤氣入少微宰相為逆有謀叛者

長垣

蒼白氣入長垣胡國兵起

赤氣入長垣胡兵入亦有火災

赤氣出長垣邊兵大起

攝提

青雲氣入攝提九卿有憂

黃雲氣入攝提九卿有恩賞

赤氣入攝提兵甲戈盾大用

紫微宮

黃白氣潤澤狀如刀劍入紫微宮中御女星上天
子有男子之喜 狀如簾者有生女之喜

赤黃氣如簾出紫微宮中天子以金錢幣帛賜之
妃妾

赤氣出紫微宮中兵大起

赤雲氣入紫微宮中或指之外兵入天子遷

乙巳占曰內亂有立王

蒼白氣雲入紫微宮中有大憂出之則禍除

蒼白雲氣如走獸入紫微宮中有反者若入犯帝
座天子惡之

赤黑氣或蒼黃赤雜氣狀如蛇如蛟如龍在紫微
庭中宮闕上者必有白衣之會 若徘徊周圍環
繞紫微宮而入之則為臣弑主此奸臣亂賊之氣
也與太微同占

白氣出紫微宮有喪

黑氣入紫微宮宮中有疾病死喪

若入紫微兩藩兵大起

紫氣入紫微宮中天下大亂

虹入紫微宮所起之野有叛逆兵起

漢和帝永元十六年四月丁未紫微宮中生白
氣如粉絮後年帝崩

太微垣

太微垣中有雲氣如鳥諸候謀為天子有中人

應者

青雲氣起五帝座徑出南門或不出九十日人主

失其宮天下不安

青氣出左右掖門兵起將憂

赤雲氣出太微兵起

一曰有立王者

赤氣如杯椀正圓出太微中天子用璧賜諸候

赤氣直指太微帝座左右有內亂兵起天子有驚

赤氣出東西掖門兵起將受命

赤氣入東西掖門內亂兵起

赤氣如彗掃出太微天子宫中則寶出曰美女出

黃白雲氣入東西掖門天子有喜

黃白雲氣出東西掖門天子出德令

赤黃氣潤澤如箕箒出太微中天子以錢物賜

美女

赤黃雲氣潤澤入太微中天子有喜事

赤黃氣出太微中天子以財物賜諸侯王者

黃白氣出太微有五王者

黃白氣如蛟蛇及龍形在太微宮闕主有白衣之會若環繞太微天庭則為逆亂死喪

黑赤氣同占此皆為亂臣諂賊之氣也

黃白雲氣狀如杯椀正圓入太微有貢璧玉者

又曰幸臣有獻美女者

黃白氣如獸出太微宮天子以畜賜諸侯王入之

則為有貢奇獸者

黃白雲氣出太微宮中如旗有光人主壽昌

白雲氣入太微宮中兵有外入有喪

蒼白氣入左右掖門內兵起

蒼白氣入太微東西掖門天子憂喪事出則消除

蒼白氣如人及走獸入太微座旁有反者

蒼白氣如走獸入抵太微座天子有憂

黑氣入東西門及左右掖門大人憂

白氣或黑氣如蛟龍蛇環繞太微廷而入之臣

君執

雲氣上赤下白大如井口從外入太微庭者和臣之氣也

若傍白而中赤者近臣欲為逆直者貴臣之氣也雲氣如馬在太微中有奸臣在宮中通外有謀虹入太微有逆謀者視其所起占之

天市垣

蒼白雲氣入天市垣市中多疫市吏入財出禍除赤氣入天市為萬物賤

蒼黑氣入天市中諸貨物俱賤

一曰蒼黑氣入天市中諸物貴出之物賤

赤雲氣入天市兵器貴 一曰谷斂用

赤雲氣如波揚入天市有大憂

赤氣出天市兵出弓弩貴

黃白氣如二三丈橫亘集天市中有以神奇物致天子喜者

黃白氣入天市者奇物自外入 出之奇物出

黃白氣亘天市鄙藩天死

赤氣出天市市有大憂

北極

蒼白雲氣入天樞中天子憂疾

若出天樞則禍息除

黃白氣入天樞外方入貢 出則天子有賜諸侯

赤氣入天樞天下兵起 出天樞宮中有兵

黃白雲氣繞太子座不出六十日太子即位

黑氣入天樞天子有憂

四輔

黃白氣雲潤澤入四輔宰相及大臣有喜

赤氣入四輔相憂有兵

白氣入四輔相或失位若病

天乙

黃雲氣潤澤入天乙君臣知遇天下太平

黑氣入天乙宰相出之

太乙

蒼白氣入太乙大疫死喪 赤氣入太乙大旱

赤氣出太乙兵起 黑氣入太乙為大水

黃白氣出太乙百官受賜

勾陳

白雲氣入勾陳大司馬憂死 出之將憂軍破

赤雲氣入勾陳中兵起大亂將有功

赤氣出勾陳內亂大司馬死

白氣入勾陳天子立宗廟

黃白氣入勾陳天子立大司馬兵在外不戰

黃白氣出勾陳兵息 青氣入勾陳大司馬憂

黑氣入勾陳大司馬軍中死出則咎除

黃氣潤澤有光入勾陳天子有立后妃

天皇

黃白雲氣入勾陳覆天皇光明潤澤天子有喜

黃白雲氣出大帝座改立王者

白氣如粉絮入勾陳覆天皇座天子憂

五帝

蒼白雲氣入帝座天子有喪

赤氣抵帝座人主立廟 赤氣出帝座臣謀君

赤氣入帝座防奸人 黑氣入帝座人主憂病

青白氣出帝座而徑出南門者人主當其害

黃白氣狀如枳椇正圓入紫微帝座有獻璧王者

陰德

黃雲氣入陰德天子有喜

黃白氣出陰德諸侯受賜

青白雲氣及黑氣出入陰德太子憂

尚書

黃雲氣入尚書座官受賜

赤黃氣入尚書座官有受土地出鎮者

黑氣入尚書掌刑法者坐罪期百八十日

柱下史

蒼白氣入柱史左右史死

黃氣入柱史左右史有賜爵之喜

黃白雲氣入柱史左右史有遷職者

御女

黃白氣入御女後宮得寵者有子孫之喜

赤黃氣入御女後宮受賜 蒼氣入後宮多病

赤氣入內人有誅死者 黑氣入後宮死喪

天柱

赤黃雲氣入天柱天子喜有封陵廟之事

赤黃雲氣出天柱三公賜爵天下受賜

黑氣入天柱三公災 一曰相死

太陽

黃氣入太陽守之大臣受賜三公有喜

蒼白氣入太陽將軍戰死 赤氣入之宰相憂

文昌

黃白雲氣入文昌三公受賜一曰文章之士進用

蒼白氣入文昌將相有憂

赤黃氣入文昌將相有勅賜者

黑氣入文昌術士有謀反舉兵者

黑氣入司中司命司祿天下嬰孩多死

天牢

黃白氣入天牢大赦天下

赤雲氣入天牢有反獄者 石氏曰獄中火起

黑氣入天牢三公將相受誅貴人親屬有憂

白氣長二三丈出天牢中天下不安五穀大貴若

不入親戚必有斬者

天尊

即太尊

黃白氣入太尊貴戚受賜
赤氣入天尊貴戚以罪受誅者
青黑氣入太尊貴戚有喜者

大唐開元占經卷之九十六卷終

書